



მათრასი

და საღამური

№ 6

ყოველ-კვირეული, იუმორისტული ჟურნალი

1 ივლისიდან წლის დაძლევაზე ჟურნალი „მათრასი“ და „საღამური“ ღირს 2 მ. და 50 კ. ვინც ფულს ამ თავიდან სრულად შემოიტანს, გაეგზავნება გამოსული ნომრებიც. ფული და წერილები ამ ადრესით უნდა გამოიგზავნოს:

Тифლისь, типография «Шрома» Василию Карамановичу Болквадзе.



პროვინციელი კბილის ექიმი.

დეპეშები.

(ეშმაკეთის დეპეშათა სააგენტო)

ქუთაისი.— აუტანელ სიციხის გამო „ვარსკვლავი“ იჯარით იყიდება. ვაჭრობა დანიშნულია 20 ივლისს.

ბათუმი.— კვირას 19 ივლისს დანიშნულია არტისტ ბრახუნაძის ბენეფისი, ბათუმის საზოგადოება ენერგიულათ ემზადება ბენეფიციატის პატივსაცემლათ. ახლო მახლო აქარის სოფლებში კაცები გაგზავნეს ლაყე კვერცხების შესაგროვებლათ.

აქიდანვე— აქ ხმები გავრცელდა ბლიკვადეს თავს დაესვენ ბოროტგამზრახველნი და გუდა დაუზიესო. რამდენათ მართალია არ ვიცით.

ფოთი— ძალიან სიცხეები დაიკირა. წვეთას დაცემისაგან გარდაიცვალა 24 ბაყაყი. ქალაქის გამგეობა დიდის ამბით ემზადება მათ დასასაფლავებლათ.

ოზურგეთი— 12 ივლისს მოხდა ქალაქის საბჭოს სხდომა. კამათი იყო ამპულატორიის გახსნის შესახებ. ხმოსნები ძალიან გახურდნ კამათის დროს. პლატონს რჩების ნიაღვარი სდიოდა. რჩის დროს უცბათ მან თვალი მოკრა თემისტოკლეს, ესროლა სკამი და ორი კბილი ჩააგდებინა. თემისტოკლეს კბილების ხსოვნას საბჭომ ფეხზე ადგომით პატივი სცა.

სამტრედიას— 20 ივლისს რკინის გზის სადგურის ახლო ვაიპარტება კარტოფიკთა ბანკეტი. მოწვეულია მთელი ქვეყნის კარტოფიკჩემპიონები, უმთავრესათ რკინის გზის მოსამსახურენი.

ზეტერბურგი— გაიხსნა ყორნების სიეზიდი. მოხდა შეხლა-შემოხლა. შესაძლებელია ერთი მეორე დასძიძგონ.

ზეტერბურგი— ლონდონიდან მომავალ დეპუტატებს ზეტერბურგის სადგურზე ვოლოდია პური-შეკვიჩი შეხვდა და ქვები დაუშინა, რატომ გამეპარეთო. ხომიაკოვს ცხვირი დაუზიანდა, გაეველიფა, მიიმეთ დაშავდა ტიმოშკინი და ზობრინსკი ვალოლიამ მოქუსლა და ჯერაც ვერ დაუჭერიათ (აბერაციის შემდეგ ძალიან ვარბის)

ადესა— ტოლმაჩვეს ყელზე „ური“ დაადგა. საშიშ მდგომარეობაშია. მორჩენის იმედი არ აქვთ.

ზანაჟა—ბურცევი ლონდონისკენ წაიდა პროკატორებზე სანადიროთ. იქიდან რუსეთში დაბრუნდება სახელმწიფო საბჭოს წევრ-პროკატორის დასაქვრათ.

ბრაუსკელი—ბრიუსელელები გარტინგს სამედიკატორო სამართალში იწვევენ, რომ შეარცხენია და მათი ქალი ითხოვა.

ლანდონი—ღუმის დეპუტატ ტიმოშკინს ცალი ფეხის წაღა დარჩა, ხომიაკოვს პერანგი და მარკოვს შალვარი. ყველა ეს ამ დღეებში ბაგაჟათ იგზავნება პეტერბურგში.

თეარანა—ლიახოვი კუქის ტკივილით ავაი. შეიქნა. ამ დღეებში იგზავნება პეტერბურგში.

პატარა შაჰმა ტირილს თავი დაანება და იციბნის.



ხოლერას სიმღერა.

ხოლერამ სთქვა: „ინდოეთმა შემადულა აზიამ,
რუსეთისკენ გადმოგსახლდი
აქ ჰაერი ნაზიამ,
ქალაქები ბინძურ-ბინძურ,
ხალხი კი ლამაზიამ,
შავსა ჭირსაც მოიკიდის
იმათი თავაზიამ.

ძველებური მასპინძლობა
არსად ზახსოვს ამგვარიო,
არვის სჯერა ჩვენი მტრების,
ექიმების, ზღაპარიო.
თუ სოფლებში დაიხელებს
ჩუმათ შემონაპარიო,
ხალხის რისხევას რო იხილავს
აეშლება ფაფარიო.

ნევის წყალი შემიყვარდა,
პეტერბურგის მდინარეო,
გადავსწყვიტე აქ ჩავსახლდე
მე ყოვლის უწინარეო,
სანიტარნი და ექიმნი
დამხვდენ დამთვრალ-მდინარეო,
ფრთა გავშალე და იცოცხლეთ

ბევრი მოვამკვდინარეო.

ღმერთმა ხელი მოუშართოს,
აქ მთავრობაც მშველოდაო,
ხალხი ისე დაეტუქსა,
რომ ხსნას ჩემგან ელოდაო,
მოხარული წყალის შოვნა
წამალსავით ძნელოდაო,
და ნევასა უხვად მდინარს
ვერვინ შეელოდაო.

იქ კი ჩემი ბაცილები
ნავარდობდენ ლალათაო,
მალლა ცა და ძირს ხიდები
ედგათ გვირგვინ თალათაო,
ვინც კი ერთ წვეთს ჩაყლაპავდა
იქ მოსული სალაათაო,
იმავე დღეს აძინებდა
საუკუნო „სალათაო“.

ენებიერობდი ზამთარ-ზაფხულ
მე ბედ მადლიერიამ,
ყველა კარგათ მიხვდებოდა,
ბავშვი და ხნიერიამ,
ერთი დღე არ დავრჩენილვარ
იქ მწყურვალ მშიერიამ
ხალხი შემხვდა ღვთის მოყვარე
სათნო, სახიერიამ.

წელს მომწერეს: ქალბატონო,
რათ არ გახვალთ გარეთაო,
რას დავმჯდარხარ პეტერბურგში
ეგრე მგლოვიარეთაო,
წადით სითაც მოგეწონოს,
მიი-მოიარეთაო,
გემები და რკინის გზები
სამგზავროთ იხმარეთაო.

მეც გავშალე შავი ფრთები
და სიკვდილის ცელიამ,
ერთ ალაგას ჩასახლებამ
სხვას ვის მისცა ხელიამ,
ჩრდილოეთით გადვიარე
შარა დიდი, გრძელიამ,
არხანგელის გუბერნიას
მედგრათ მიგყავ ხელიამ.

ვოლოგდაში სხვა გავგზავნე
ჩემი მეზობელიამ,
რიგა განზე დამრჩენოდა
იყო ერთობ ძნელიამ.
მოსკოვს მხოლოთ მივაკითხე,
მიპასუხეს: „გელიამ“
ნემცებს ვძლვარ, არც მე მიყვარს,
ხალხი სძაგელიამ.

ისევ რუსეთს ვენაცვალე
ფართე ბეჭებთანსაო,
თავისუფლათ დანავარდობ
არსად ხედავ ზიანსაო.
გლები კაცი ღმერთად გასახავს
გკადრებს თავაზიანსაო,
მოსვლა თქვე და წასვლისა წილ
არ ვინ გეტყვის გვიანსაო.



6 ა თ 3 ლ ა.

ივლისის სიცხე-პაპანაქებაა. მზე ისე ძალზე აქერს, თითქო უნდა მთელ ქვეყანას ცეცხლი გაუჩინოს და გადასწვას. გაზეთ „ჩახმახი“-ს თანამშრომლები ვერ შეუშინებია ამ სიცხეს, თავი მოუყრიათ ერთ ოთახში და ნათვლისათვის ემზადებიან ოფლი წურწურით ჩამოსდით ყველას, თითი შუბლებზე მიურქვიათ და ღრმით ჩაფიქრებულან. თავსატეხი საკითხია ახალშობილის სახელის ამორჩევა.

— მოვიგონე, მოვიგონე, — უცბათ წამოიძახა იოთამ ბრახუნაძემ. ამისთანა სახელი ქვით!

ყველამ თითები მოაშორა შუბლს და ბრახუნაძეს მიაპყრო თვალები.

- იცით ბიჭებო რა სახელი მოვიგონე?
- აბა სთქვი, სთქვი მოისმა აქეთ იქიდან.
- წრიპინი.

— აი ავაწრიპინა შენმა ეშმაკმა — უკმაყოფილოთ წამოიძახა რამდენიმემ. შე ოჯახ ქორო ამდენხანს მაგაზე ფიქრობდი? წრიპინი, რა თავგები ხომ არა ვართ? არა არ ვარგა.

ყველამ ისევ თითები მიირქვეს შუბლებზე და ღრმით ჩაფიქრდენ.

— მე მოვიგონე, მე, — უცბათ წამოიძახა ილია ხვანცარიკაძემ.

თითები ისევ ძირს დაუშვეს და ილიას მიაპყრეს თვალები.

- ცხენი!
- სულელი! მიიძახა ვილაკამ და თითები ისევ შუბლზე მიერქო.

— პატივცემულო საზოგადოებავე — დინჯათ და იწყო კირკიტა წუნწკურაშვილმა — მთელი ამ ხნის განმავლობაში მე ძლიერ ღრმით ჩაფიქრებული ვიყავი, ბევრი სახელები გადავსინჯე და ბოლოს სა-

უცხოვო სახელი ამოვარჩიე. თუ გნებავთ ვიტყვი. — სთქვით, სთქვით — მიიძახეს აქეთ-იქიდან და თითები ისევ ძირს დაეშვა.

— „ქართული ყოველდღიური საპოლიტიკო, სალიტერატურო და სამეცნიერო გაზეთი ბუქი“.

— არ ვარგა, ძალიან გრძელი სათაურია — სთქვა ბაძგუ მერგელიამ — მას ყველანი დაეთანხმენ. წუნწკურაშვილი გაწითლდა და თავი ჩალუნა.

- თითები შუბლებს მიერქვენ.
- ჯოხი — წამოიძახა ერთმა.
- არ ვარგა — მიიძახეს დანარჩენებმა, ისე, რომ თითები შუბლებს არ მოუშორებიათ.
- ფეხი! — წამოიძახა მეორემ.
- არ ვარგა — მიიძახეს დანარჩენებმა.
- ხელი — წამოიძახა მესამემ.
- არ ვარგა — მიიძახეს დანარჩენებმა.
- ურემი — წამოიძახა მეოთხემ.
- არ ვარგა — იყო პასუხი.
- გოროდოვოი — წამოიძახა მეხუთემ.

გოროდოვოის ხსენებაზე, თითები ფიცხლავ ძირს დაუშვეს, ყველანი წამოხტენ და ქუდებს ხელი დაავლეს.

— თქვე ოხრებო, გოროდოვოი კი არ მოსულა, გაზეთს დავათქვათ გოროდოვოი, კაი სახელიც არის და არც დავგისურავენ სთქვა ღიმილით კაცია ქლიკაძემ.

— მაგისთანა სახელი შენთვის შეინახე — მიიძახეს დანარჩენებმა და დარცხვენილი ჩამოსხდენ სკამებზე და თითები ისევ შუბლებზე მიირქვენ.

— ყმაწვილებო! ნელა დაიწყე დათია ყლაპიშვილმა, და თითი ძირს ჩამოუშვა სწორეთ სასაცილოა ჩვენი საქმე. გაზეთის რედაქტორი გვიშოვნია და სახელი კი ვერ მოგვინახავს. ამდენი პატიოსანი თავი ამ სახელის მოგონებაზე სწუხდება. მოდი დავარქვათ თვით რედაქტორის სახელი, მორჩა და გათავდა.

— ვაშა, ვაშა! — სიხარულით მიიძახეს აქეთ იქიდან, სწორეთ საუცხოვოა.

- რა ქვია ჩვენს რედაქტორს?
- არავინ სახელი არ იცოდა. ბოლოს როგორც იქნა იპოვნეს ქალაღი.

- ანდუყაფარ — წარმოსთქვა კაცია ქლიკაძემ.
- საუცხოვოა, საუცხოვო — ყოველდღიური გაზეთი „ანდუყაფარ რწყილაძე“.

ნათვლა გათავდა. ფრიად ნასიამოვნები თანამშრომელნი თავთავიანთ სახლებში წავიდნენ, რომ დიდი მისსია შეასრულეს.

ირ — ლი.

მ ე უ რ ა ც ხ ე ო ფ ი ლ ი .
 (სურათი სოფლის ცხოვრებიდან)
 (და ასოული. იხ. მათ. სალამური № 5)

V
 მზე გადახარა
 დასავლეთისკენ,
 სიღვანაც გრილი
 სიო რბის მთისკენ.
 წიფლების ჩრდილში
 მთისა ფერღობზე,
 ჩამოყრდნობილი
 თავისვე თოფზე,
 სდვას სტეფანე და
 ფუქრს გაპყლია,
 შავი ღრუბელი
 შობლს დაწოლია.
 ფიქრობს ის თავის
 ახლო წარსულზე,
 მწარე ნადველი
 აწვება გულზე:
 - წახდა, წავიდა
 სუყველაფერი!
 ხალხი დამარცხდა.
 შურს ძიობს მტერი.
 ამხანაგები
 შემომაცალეს:
 ვინც კი ხელთ იგდეს, —
 ყველა დამალეს.
 და მეც, თუ მათებრ
 ხელთ ჩამიგდებენ,
 კიი საქმეს ხომ
 არ წამკიდებენ!
 გუშინ-მდიდარი,
 ნასწავლი, კარგი,
 ქვეყნის მოკეთე
 და ქვეყნის მარგი,
 დღეს ამ ქვეყნისთვის
 ვარ მეტი ბარგი!
 ჩემ ვაჟო დღეს იქ
 ხალხს აწუხებენ
 იქნება კიდევ
 აწიოკებენ:
 ჩემის მიზეზით
 ჯარიმას კრებენ.
 ვინ იცის? იქნებ
 ეგზეკუტია
 სოფლებსა უკვე
 შემოესია!“
 და იქ კი... ცოლი,
 ქალი, ობოლი,
 მარტოთ, უმწეოთ
 რომ ეგულდება,
 თავს ისევ თითონ
 უწყო მტყუნება:
 „ვერც მოვისაზრე,
 რომ დღლით თანა

ცოლი მთისაკენ
 წამომეყვანა!..
 აქ ჩემი ბინა
 ჯერ არვინ იცის,
 გარდა ამ მთისა
 და ლაქვარდი ცის,
 იქ კი, ვინ არის
 მისი პატრონი?
 ეჰ, როგორ ცუდათ
 იცვალენ დრონი!..
 სადღაა კაცი?
 ხალხი გამწარდა:
 შესძულდა ის, რაც
 აღრე უყვარდა,
 ვერ აიტანა
 ამდენი ცემა
 და დღეს ნელ-ნელა
 სულით ეცემა...
 სულით ეცემა...
 ჩვენ კი... ჩვენ —
 ზიზღი და ანაჟემა!..
 დაუნდობელი
 გახდა სოფელი!
 დღეს იქ კვიდრი ძმაც
 კი უღალატებს
 და ძმის თავს ხელში
 მისცემს ჯალათებს!
 არა, რაც შეეცდი, —
 თვით გავასწორებ
 და განსაცდელსა
 თავს ავაშორებ:
 აი, ამაღამ,
 როს ღამის ბნელი
 ჩამოეშვება
 და ძირს სოფელი
 ძილს მიეცემა.
 მინამკვდარები, —
 ისევ ჩემ ქობთან
 მივიპარები:
 ცოლს წამოვიყვან
 აქეთ, მთისაკენ,
 ამ უღაბური
 ადგილისაკენ!..
 შიმშილი?! მაგრამ
 ეჰ, რაც იქნება,
 დე, ჩემზეც ახდეს
 განგების ნება!..
 ... მზე ჩაესვენა
 და გულზევიადი
 ძირს ჩამოეშვა
 ღამის წყველადი;
 ხევ-ხევში უკვე
 ჩამოწვა ბნელი,
 სიო კი... სიო,
 გრილი და ნელი,
 მოჰქრის, სისინებს,
 ლაღათ სრიალებს,

ნელის ჩურჩულით
 ტყეს აშრიალებს
 და ძარს, ქვით-ქვაზე
 გადმომდინარე,
 მორბის, მოქშუის
 მთისა მდინარე...
 VI
 ვით ნუკრი მთისა,
 წერილი ბილიკით
 ვილაც სოფელში
 ჩამოვიდა შთით.
 სდუმს გარეშემო.
 სოფელსა სძინავს.
 ერთი ვარსკვლავიც
 ცაში არ ბრწყინავს.
 (ბნელა არეში,
 ვით სამარეში)
 უდროვო მგზავრი
 მოდის, მოიწებს,
 სოფლის შარავხას
 კი აღარ მოსდევს:
 ხე-ჩირგვებ შორის
 ქურდულათ ძვრება
 და ფეხ აკრეფით
 მოიპარება...
 ჩუ! ავტო ძაღლმა
 აცქვიტა ყური.
 დაიწყო ყეფა,
 ატყდა ხმაური.
 ამას სხვა ძაღლიც
 გამოეძახა
 (წამაძველია
 იმათი ხახა!)
 ერთხანს იყეფეს,
 მაგრამ დადუმდენ,
 მტრის არ უოფნაში
 რა რომ დარწმუნდენ.
 ეხლა შორს იქით
 ასტყდენ ყეფანი:
 (ეგ ისევ ძაღლებს
 აფრთხობს სტეფანი!)
 მიდის ის ნელა,
 ფეხ აკრეფილი,
 როგორც მინდვრისა
 ბაქია ფრთხილი:
 მიდის და აგერ...
 ნეტა, რა ხდება?
 რა ამბავია?
 ხომ არ ვინ კვდება?
 მის ქონში ვილაც
 ჰკივის, თან კენისი,
 თითქოს ხედავდეს,
 იმ გვარად ესმის.
 ელვის უსწრაფეს
 ის გაექანა
 და დაიბადა
 წამსვე ქობთანა.

მაგრამ, რას ხედავს?
 ქობის წინ წყვილი
 შენიშნა კაცის
 მოძრაობა ჩრდილი;
 ქობიდან ისმის
 ქალის წივილი...
 მუქარა... ტუქსვა...
 ლოშნა... სიცილი...
 და ლაპარაკი,
 ურცხვი, უზბოლი...
 ცხადი შეიქნა
 სუყველაფერი!
 და ქობისაქენ
 თოფ მინაღერი—
 მგლურად ღრიალებს...
 მკისვე გრიანებს
 თიფი და მის წინ
 ორი ცემა...
 გაისმის ქობშიც
 თოფების ცემა,
 აურ ზაური,
 ალიაქოთი,
 ხელ ჩარეული
 ბრძოლა და შფოთი...
 კენესა... ქიქინა...
 ამოგმინება...
 ვინ ვის აძინებს!
 ვის ეძინება!..
 ადამიანი
 თავსვე დასცინის,
 წეჩა რომ ხდება
 ტყვიის და რკინის!...

VII

გათენდა დილა
 და სანახავი
 სოფელმა ნახა,
 გულისაკლავი:

თვისივე სისხლში
 ამოწურული
 ოთხი—ქობშია,
 დღე განწირული,
 ორიც—ქობის წინ,
 გულგანგმირული;
 მათ შორის, ერთი
 სტეფანე არის,
 ხუთი კი კაცი
 აქ მდგომი ფარის!
 ქობისა ახლოს,
 ვით მთისა შევლი,
 მიმორბის ქალი,
 იითქმის შიშველი;
 მიირბენს მკედრებთან,
 დაცქერდება,
 თავსა აიღებს,
 ისევე შორდება,
 გაირბენს იქვე
 და გაგორდება,
 თითქოს ადარებს
 თავს იმა მკვდარებს,
 მაგრამ დგება და
 თმა გაწეწილი
 კვლავ რბის სტეფანეს
 კოლი, შეშლილი...

*
 *
 როს ამ საქმეზე
 შესდგა ქალადი,
 სოფელს ჯარიმა,
 გარდასახადი,
 გაუოთხკეცეს,
 რადგანაც მხეცებს,
 როგორც სტეფანეს,
 სოფელი ჰმაღავს
 და მათი ძებნით
 მთავრობას ღალ.ეს.

ხალხი კი ირგვლივ
 იღვა მდუმარეთ,
 ჩაფიქრებული
 მძიმეთ და მწარეთ;
 ამ განაჩენსა
 იგი ისმენდა:
 არას ამბობდა,
 ისევე ითენდა!
 ზოგსა მათრახიც
 კი გადააწნეს
 და თვისი ძალა
 ამითი ამცნეს,
 მოჰკრიფეს ფული,
 იჯერეს გული,
 და ანგარიში
 როცა გასწორდა,
 ეგზეკუცია
 სოფელს განშორდა...

მხოლოდ მთაში კლდეს
 ეს-ლა უკვირდა:
 ნანგრევს სტუმარი
 რათ დაუძვირდა?
 რალათ ვერ ამჩნევს
 თავის წილში
 ქაბუკს, ჩამჯდარსა
 თოფ-იარაღში?
 ამ ფიქრს შერთვია
 მთაი მდუმარე
 ქვეშ კი... ქვით-ქვავზე
 გადმომდინარე,
 მორბის, მოქშუის
 მთისა მდინარე...

ნ. ზომბელთელი.

უხუთი გურჯუაქას.

კომედია სამ მოქმედებათ.
 (იმერეთის ცხოვრებიდან)
 მომქმედნი პირნი:

1. მიხეილ ბელტაძე, — გამდიდრებული გლეხი, 30 წლისა
2. პაველ სამარაძე, — აზნაური, 40—45 წლისა.
3. ეფემია, მისი ცალი.
4. ჩიტულია, მათი ქალი, — 20—22 წლისა.
5. ათანას გაქეჩილაძე, — სოფლის მასწავლებელი.
6. შიშტიბუქა, — სამარაძის გოგო.
7. ჩიტირეკია, — ამათივე ბიჭი.

მოქმედება სწავრებებს სოფლათ.

მოქმედება პირველი.

(სცენა წარმოადგენს სოფელურათ მორთულ სახლს სამარაძისას. შუა ადგილას სტოლა, ზედ ეანწები, ახარფაშა და სხვა ასეთები ალაგია. ერთ კუთხეში ჰატარა

სტოლა; ზედ კარმთხია, დაირა და ძეველი კარტი აწევა. მეორე კუთხეში სულმწიფის სურათი და რაღაც სხვა ნახატებია. იქვეა დამტვრეული კედლის სარკე, ორი კრათი ნახებით გადაფარებული. ერთ მთავანზე ჩანგურია. კედლები სულ ჩამოქუცული შხალურიას შემოსილი, საღას ორი ფანჯარა აქვს, მარა ორთავეში ორი ორნი მინა თუა მთელი, თარგმ სხეების ადგილას ქადაღდა აწებებული. ოჯახში ფანჯ-ფუცია, ალაგებენ, ვიდაცას ელიან).

გამოსვლა I

(ეფემია, შემდეგ შიშტიბუქა და ჩიტირეკია)
 ეფემია. (ცოცხით ხელში, შეკველებული ტანსაცმელით, ხელზე თითებ გამოჩენილი ხელთათმანება აქვს, თავ წახვეული) უჰ! გავწყდი ქალი წელში ამდენი საქნარით!.. გავწყვეტა გვერია ახლანდელ ქალიშვილებს! დენსთალიენ ორ ანუ-ბანუს, მერე

ააბზეკენ კუდს და ბუზს არ იკარებენ!.. რა უკირს ჩემს ჩიტულიას, რომ მომეხმაროს და სახლკარი დამაწმენდოს? მარა... დელიუზოს ახლანდელი დროი, დელიუზოს!.. მე აზნაურის ქალი ვკადრულობ ამისთანებს და ჩემი შვილი კი მედიდკაცება... (ფანჯარაში იხედება და იძახის) გოგო!.. გოგო!.. შიშტიბუქა! სადა ხარ შე ვასაქრობო, ამდენი ხანი?.. შიშტიბუქა!..

შიშტიბუქას ხმა. ბატონო! ბატონო! რა გინდათ?..

ეფემ. ვაი შენს თავს, უი! აქ მოდი მალე აქ! ჩიტირეკაც მოიყვანე!.. აქ გაშით ცხლავე ორივემ!.. (აღაგებს) ქე მაინც ტყვილათ არ ჩაივლიდეს ახლა კიდევ ეს მზადება!.. გარაგვიყოლა, გარაგვიტანა ბატონებო, იმ ქალიშვილის გათხოვებაში! კის არ შევადიღეთ, ვის არ გვინდა მივათხოვოთ, მარა არაფერი ეშველა მის ადამიანობას! არავინ არ მეიწონა, ყველას ცხვირს უბზუებებს!.. მოგვინელა, მოგვხარჩა, მეტი არა ვართ, (შემოდის შიშტიბუქა).

შიშტიბუქა. რა იყო ქალბატონო, რეიზა მიძახოდით?!

ეფემ. რეიზა და ფლავის საქმელათ! არ გემაგება? მოდი აქ, ხვეტე, მე დავისვენებ. (შემოდის ჩიტირეკაც).

ჩიტარ. სალამი ქალბატონს! (ხაუსა) სალამი ქალბატონს!..

ეფემ. (რომელიც აქნობაშდე უურადლებას ან აქცევდა) ოო, გევიგონეთ, გევიგონეთ! არ წამქამა თავი? მეეხმარე შენც ამ გოგოს!.. მე ეხლავე მოვალ!..

ჩიტარ. კი ბატონო, მაგიზა რავა გაწყენიებ...

ეფემ. ცოტა ენას მოუკელი, ნუ დაგიტყდები!..

ჩიტ. გლახა ხო არაფელი მითქვამს შე დლოცვილო და... (თავისთვის) რა კაპასია! ურრა, ურა!

ეფ. კილო! რას ტუტყუნობს! ქკუით იყავით, არაფერი წახდინოთ! (გადის).

ჩიტარ. (ქალბატონისკენ) ვაი ვაი შენს პატრონს, ცივი ღომი გულს ანტროვის! რავა იბერება ორკაპეიკიან ტარანივით! შიშტიბუქაჯან, შენ რას შეგები ჩემო სულის კვაწარახო? . (მიიწვევა).

შიშტი. გაჩერდი თვარა იმისთანას გთუთქავ ამ ცოცხს, რომ მომქედო და ვერ მიცნო!

ჩიტარ. მაშინ კვდარი იქნება ბიკი ჩიტირეკია!.. გაჩერდი ჩაგებულო ერთი! (შიშტიბუქა ცოტახანს ან ნებდება, შუშდეგ კი შადანათ ჩაგონიან ერთმანეთს) იფ... იფ! შიშტიბუქა, ერთი შენებურათ

მუზიკა ააქყვირე და დავცოცდეთ ერთი, რაც იქნეს და იქნეს, დღეს არ მიცეკვია და რალაც ტანი არ მიღებდა...

შიშტი. უი, მართლა! მუზიკა აგერ არ ყოფილა! ერთი მეც თუ არ შეეკვინტრიშდი, ისე გული არ მიზამს... შენ კარები დაკეტე და დავსცხოთ ერთი ლოთიანათ...

ჩიტარ. კი, გენაცვალე. (ხურავს კარებს. შიშტიბუქა ლეკურს უკრავს; ჩიტარეკაც ცეკვავს გაცხარებულად და თან უვირის) ტაში, ტაში!.. ჩქარი ტაში, ოო!.. (უცებ შეჩერდება) დოუგდე ყური რას იძახის მუზიკა: შიშტიბუქა შიშტიბუქა... (ამ დროს შიშტიბუქაც აცეკვდება ხელში გარმონიკით და იძახის: ჩიტარეკე, ჩიტარეკე).

ჩიტ. აი შენი გამჩენის კირიმე ბიკო!.. გოუსვი ჰო!.. (ამ დროს უცებ კარები გაიღება და შემოვარდება გაბრახებული ზაფლე).

გამოსვლა II

(ივინიფე და ზაფლე)

ზაფლე. ბიკო, რა ამბავია თქვე სახლდამწვარის შვილებო! რას შობით, რა: გავს ეს? რაა რო წამოიგინცივით აქაურობა თავზე?! რათ გარაგიტყვივით ეს ჩემი სახლი! დავბოცავთ მამა ნუ წამოწყდება! აქ მასხრობთ და დაჩინდრიკობთ, თუ საქმეს აკეთებთ? თქვე სათოკებო, თქვენ! (მიიწვევა ჩიტარეკისკენ).

ჩიტარ. ბატონო... ხემწიფე... ხემწიფე!.. შიშტიბუქას ბრალია, შიშტიბუქას... იმან..

ზაფლე. (შიშტი) მართლა? ან? ან? გაგხეთქო კვერცხივით?

შიშტი. ბატონო, ხვათო... აღმასო... ჩიტირეკის ბრალია, იმან შესთინა... (ფრთხევ კარში გასტეპიან).

ზაფლე. ვაი დედაჩემს და ვაი დედაჩემს მე თქვენ რო აქ ქადს გაქანკიებთ!.. უყურეთ ამ წუწის შვილებს რას შევბიან!.. მამა ნუ წამოწყდება შოვკლავ ვიცხა იქნება!.. ქალო... ქალო! ეფენია! სად ეშმაქი ხარ, სა შავ წყალში ხარ დედაკაცო, ან?! (დადის გაბრახებული) დეიქცევა ოჯახი, აპა რა იქნება? აპა რა დეემართება? ერთია ვილაც უჩიტლურასთან აგდია ყოველ დღე, ზოგი აქ დაცეკვავს, ზოგი სადღაც ჯანდაბაშია!.. ქალო, ქალო!.. დაგიყენოს ჩემა სალოცავმა ყურები!..

გამოსვლა III

(ზაფლე და ეფემია)

ეფემ. (შემოდის) რა იყო კაცო, რომ დაგილია პირი და კლავი! პეტერე არ ამოგივა იმ ოხერიდან?

ზაფლე. ვჯღავი კი არა, არ ვიცი რას ვიზამ

ღმერთმანი!.. მამა ნუ წამიწყვედება ვიცხას იქნება...

აფემ. ბიჭოს! რა გაბლორინებს შე კაცო? რა ეშმაკის გადანარებზე გამოიარე?!

ზაგლე. რაფა რა მამლორინებს შეგამომცემელ გაწყვედილო! გოგოს და ბიჭს რო ოუიანცებიათ აქოურობა არ ხედავ? ყურის გდება არ უნდა ოჯახს? ან? გინდათ გამომწყვტიტო თგვარში, შემარცხვინოთ კაცი? დღეს იმისთანა სტუმარს ველი და ასეთი მზადება უნდა მქონდეს? ან?

აფემ. ნუ დაგილია ის ყბა! გვინახავს ისეთი ვაჟბატონებიც! ევეყრებით მისი გულნიზა თუ რაყაა შენი ფიქრით! მოდის თვარა დიდი ვინმე კი მყავს მისმა სიცოცხლემ!..

ზაგლე. ვახ, შენი კქუა არ გაშორდა შენს გვარს! (აბრაზებს) ეს ახნაური მყავს!.. თავდალა!.. და ბევრი რამე კი უქყავა ჯიბეში!.. შენმა გაგუღვამ!..

აფემ. ვი თუ მართლა ამბობ შე გამობენტერებულო! ეგება არც ქე იცი მართლა შენი ღირსება, შენი და მისი კაცობა ერთია?

ზაგლე. არაა და აბა ერთი წადი და შენ გამეექმე წინ! ფუ, დაღუბის ღმერთმა დედაკაცის ტვინი და აზრი!.. ოღონდ ენა კი ატიტყინოს და რას ამბობს იმას კი არ ჩივა... ფუ.. ფუ!..

აფემ. აგი შენს თავს; წელკავი შენს თავს!.. რას იფურთხებენ?.. საერთო ზაუსა. ზაგლე გულმოსუღი დადის).

ზაგლე. სადაა იი გოგო? (ზაუსა) სადაა მეთქი ჩიტულია?!

აფემ. კაცო, მე რას მიყვირი? შენ რეიზა არ იცი შენი შვილის ამბავი?

ზაგლე. ქალო, სადაა მეთქი!.. მამა ნუ წამიწყვეტა...

აფემ. მამაშენს წოუწყდი!.. წოუწყდი, (ზაუსა) მგონი უჩიტელთანაა.

ზაგლე. ჰს!.. უჩიტელთანაა! რა უნდა, სულ იქინე რო აგდაო? სანამდი კულს არ გამოაბამენ, არ მოშორდება?

აფემ. აქნობამდი რო არ უშლიდი?

ზაგლე. არ უშლიდი! არ ვუშლიდი, მარა ხომ ხედავ რო არაფერი გამოდის! თუ მოსახერხებელი ყოფილიყო რამე, ახლობამდი გაკეთდებოდა, ალბათ არ ირთავს ის კაცი და ისა... ახლა სხვა უნდა ვეძიოთ! გოუგზავნე ჩიტირეკია, რო ახლავე მიეყვანოს!

აფემ. შენ გოუგზავნო? რაღა მე მიბძანე?!

ზაგლე. კილო! შემომიტრიალე სიტყვა! მევიდღეს, გამეწყოს და დახვთეს იმ კაცს, ეგება იმას მაინც შეეწონოს...

აფემ. თავიც ქვას ახალეთ შენ და იმან...

ზაგლე. ფუ, შენი გაჩენის საათი, შენი... (გადასი გაბრაზებული).

აფემ. დასწყველოს ღმერთმა შენი თავი! რაცა ააუზარებულო კაცი შენ ხარ! ხან ისეა, ხან ასეა, აზისას ვეფერს გეიგებ. ახლობამდი იძახოდა იაროს იმ გოგომ უჩიტელთან, აქეთ იპატიეებდა ყოველ კვირას იმ კაცს და ახლა რას იძახის!.. შეაყვარე თავიო, ეუნებოდა გოგოს და ახლა?... (ზაუსა) მარა რო თქვას კაცმა, არც ურიგობა ქე იქნეს მგონი, რო ასე მოხდეს საქმე? რაა მართლა ის უჩიტელი? მისი გაქუცული სამასი მანეთი მისს თვალღეში იყოს. თავსაც ვერ დეირჩენს, თვარა შვილები რო ეყოლოს, მერე სულაც რა ეშველება? ნასთავლი ქია, მარა მისი ნასთავლობა რა ბედენაა, თუ ჯიბეში არაფერი უქყავა... (ზაუსა) სწორეთ კი აზრი მოუვიდა ჩემს პავლეს! ოხ, რა ეშმაკია, რა მოხერხებულოა. (აღაკებს იქაურობას) კარგათ უნდა დაეხვდეთ, წუნი არაფერში დაგვდოს, მდიდარი კაცია, ქვეყანა უნახავს... მერე რა მდიდარია თურმე! ქუთაისში ათი დუქანი და სახლები ქონია, ქიათურა ხომ სულ მისიაო... ისე თბილისშიო, ფოთშიო... ჩვენს სოფელშია და ხომ მგონი ორასი ქვევა მიწაც კი იყიდა... სახლკარი თავადიშვილივით წამოიქიმა... (ზაუსა) ან? ღმერთმანი კი იქნება, რომ ჩემ ჩიტულას შეირთავდეს... ან? ვეცდებით... დაფაცურდებით... ღვთის მადლით კი კონტორა ვოგო მყავს და ისე შევუშთებით, რომ აქით შემოვიხვეწებთ...

გამოსვლა IV.

(აფემისა და ჩიტულას)

ჩიტულა. რა ამბავია, დედა, მამა ვინ გააჯავრა?

აფემ. არაფერი შეილო, არა გენაცვალე!.. ახალი ამბავი იცი შეილო? გეიგე?

ჩიტულა. რა არის, რა იყო?

აფემ. არ გაგიგია? უი დამიდგეს თვლები!.. დღეს ჩვენსას მოდის სტუმრათ მიხეილ ბელტაძე და...

ჩიტ. მერე ეს დიდი ამბავია?

აფემ. აბა? აბა შეილო? მეემზადე გენაცვალე, კარგად ჩეიცვი, უმარილი წეიცხე, პუდრი. მოაწონე თავი და ერთი შემოვიხვეწოთ უი, გენაცვალე, ჩემო შვილიკო, თუ ღმერთმა ქნა და იმას მიგათხოვთ!..

ჩიტ. ხომ არ შეშლილხარ დედაჩემო, რას ამბობ?

აფემ. რაფა რას ვამბობ? გული რო გწყდება მდიდარ ქმარზე, აი ესაა, მოგვდის ბედი. თურმე



ქალაქის განახილა უბანში

კიდევ მოწონხარ და იმისათვის მოდისო... მარა თურმე ცდილობს, რო არავინ შეატყოს და მოუმიზეზებია, ვითომ მამაშენიდან მიწის ყიდვა... ასე აჩვენებს სოფელ-ქვეყანას და ნამდვილათ კი გულში სულ სხვა აქვს...

ჩატ. დედა ჩემო, ხომ არ გაგიყდი? რას ლაპარაკობ, რას ამბობ? ვინ მიხეილ ბელტაძე და ვინ მე? რა უნდა იმას ჩემთან?

ეფემ. კი დედა! მართალია შენსავით ღირსეული სისხლის და ძვლის პეტრონი არაა, გლეხია, მარა ფულები აქ შეილო ბევრი, ქონების პეტრონია... კარგად ვაცხოვრებს...

ჩატ. თუ ღმერთი გწამს, დედა, მეორეთ არ მითხრა! განა სირცხვილი არაა თქვენი საქციელი? საქონელი ხომ არა ვარ, რომ ყველას ავაკრებთ ჩემს თავს?! ათასჯერ მიიტყვამს, რომ ამნაირის სიტყვებით არ მომმართოთთქვა და მაინც არ იშლით?

ეფემ. მარტო მე კი არა შეილო! მამაშენიც ასე ამბობს: ვეცადოთ და რაიმენაირათ ის კაცი სიძეთ გავიხადოთ... ჩეიცივი, შეილო, ჩეიცივი! გეიგონე ჩეი სიტყვა... მე პულარს გამოგიტან. (გადის და ისევ მალე შემოდის ჰუდრით ხელში: უნდა სახეზე მიაჯაროს, მარა ჩიტუღია ნებას არ აძლევს) ასე შეილო, ასე! დამიჯერე!

ჩატულ. დედაჩემო, ღმერთმანი გულს მომაცვანიებ! დამანებე თავი. (შუდარს გადაუყრის).

ეფემ. ხო, რა იყო, ქალობატონო? კი ნუ გამიკუნტულდები, თვარა!.. ვაი დედას, არ გამოილახებარ ვითომ ერთხელ მეტად!.. გაიგოს მამა შენმა და დაგავიწყებს იმ უჩიტელუკასთან სიარულს!...

ჩატ. დედაჩემო, არ გრცხვენია მაგისათვის? აკი შენც პატივს ცემდი იმ მასწავლებელს...

ეფემ. არ ვიცი მე მაგისთანების ლაპარაკი!.. არა!..

გამოსვლა V

(იგინიუე და ჰაქლე)

ჰაქლე. შეილო, შეეწყვე კარგად, ის კაცი მოვა საცა და სირცხვილი არ მაქამო, კარგათ შეხედით, ზრდილობიანათ! (ფატიფურსია).

აქემ. (ნიშის მოგებით) ახლა? ახლა ხო გი თხარი შეილო, რო არ მიჯერი...ან?

ჰაქლე. რაო, არ გიჯერის? მამა ნუ წამი წყვდება...

აქემ. არა... მე ისე... ისე... რაფა არ დამიჯერებს, (ჩიტულას უკრძალავს არ აქრებს).

ჰაქლე. არაფერი გავიგო მაგისთანა, თვარა!.. არაფერი მეკოდინება მე დედაკაცების გაბუტვის... (შვილს) ისწავლა ორი ანუ ბანუ და აბზეკს კულს... მამა ნუ წამიწყდება, კკუით თვარა!..

ჩატ. მამა, რათ ილანძღვით?..

ჰაქლე. ის ქენი ის, რო გეტუნები! მომძულდა შენი შენახვა: ტანი ვერ შეგიკერე და ფეხი. გათხოვდი, გელირსოს რაზე და გეიჩინე პატრონი! სანამდი გინდა ასე იჩინდრიკო? შენხელა ქალებს შეილები ყავთ!..

აქემ. ჩეიცვი შეილო, ჩეიცვი სხვა კაბა...

ჩატ. მე ჩატული ვარ. .

ჰაქლე. ქალო, სირცხვილი არაფერში მაქამო იმ კაცთან! ყველაფერი წმინდათ იქონიეთ, მიალაგმოალაგეთ თავის ადგილს... დაამზადეთ კარტი, ნარდი! გუშინ ხო გარეცხეთ ის ძველი კარტი? ხო გააუთავეთ კარგა?

აქემ. კი, მარა დეხა ამდენ რეცხაში და უთობაში, — ეს მეექვსეთაა მგონი რაც გეირეცხა...

ჰაქლე. არა უშავს, მესათაც გარეცხეთ! აბა ახალის საყიდელი ფული სადაა? (მაუზა) იქნება თამაში შეინდომოს, შენ აქ იყავი გოგო და თუ ისუროს, მაშინვე აყევი! არ დეიწყო შენებურათ ჩარბების ბზუება. . მე გოგოს და ბიქს ვნახავ აბა რაფა ხვეტავენ ეზოს... (გადის).

გამოსვლა IV

(ჩიტულა და აქემი)

აქემ. რა მდიდრათააო, მერე რა მდიდრათ! რო მოინდომოსო მთელ სოფელს იყიდისო. ხო და ამისთანა კაცმა თუ შეგირთო შეილო, მერე არც შენს დედამას გვიქირს რამე... დედამის მის მეტი შეილი არ ყავს... და მისი ქონება სულ შენი და ჩვენი იქნება: იპარპაშე და იყავი. იარე აქტ-იქეთ ქალაქებში, რასაკვირველია მეც წამიყვან... ხო შეილო? ხომ?

ჩატ. მე მისს ქონებას ერთ გროშათაც არ ვიყიდი.

აქემ. რაფა? წუნობ თუ?

ჩატ. მე ქონებას კი არ მიეთხოვდები, არა შედ აღამიანს... იცი?..

აქემ. ის კაცი აღამიანიცაა და ქონებაც აქ.

ჩატ. ეს ვიცი მე და არა სხვა ვინმემ...


აქემ. ჩემი სიკვდილი, რაფა ჯიუტობს! შენ რეცვ გატყობ იმ მასთავლებელზე გაქვს გული, მარა შეილო დაფიქრდი, მაგას შენი შენახვა არ შეუძლია... კი ერთხანს მეც ქე გიპირებდი, მარა ახლა რო გაკვირდება, დიდი ხეირი არაფერი ექნება. მის ხელში მულამ გაქირებული და მშეირი იქნები, ორჯერ კუტი არ გაგიძლება წელიწადში, ვერ ჩაგაცმევს, ვერ დაგახურავს... ამისთან კი დელაფალივით იქნები, მეფურათ იცხოვრეფ... ეგება სიტყვა მიეცი იმ უჩიტელს და გატების გცხვენია, თუ მასეა შეილო, იმის დარდი ნუ გექნება შენ... მოწმე ხო არავინ გყავს და თქვენს მეტმა ხო არავინ იცის და რაფაც გინდა ისე იზამ. ასე უთხარი შევედლითქვა, ყველა უკეთესს ეძებსთქვა და მორჩა, იგიც თავს დაგანებებს. ან გულგრილობა დაუწყე და აჩვენე და ის იქნება. განა ცოტა მომხდარა ასეთი? რა ვუყოთ, შენი სარგებლობიზა რო კაცმა სიტყვა გატებო, არავინაც არ გიძრახავს...

ჩატ. ახ, დედაჩემო! როგორ მიყვარდი ახლობამდი!.. რას ამბობ დედა, რას გავს შენი ნათქვამი... თუ ღმერთი გწამს სხვა რამე თქვი დედა, სხვა...

აქემ. რა ვაქვა დედა? ამაზე საპირო და სადავიდარაბო ახლა ჩვენს ოჯახში რაა? შენი გათხოვების მეტი არაფერი არ გვაწუხებს!.. ვინ იცის, იქნება იღბალი კარზე გვიგორდება!..

ჩატ. რაკი ასეა, ილაპარაკე რამდენიც გინდოდეს. (გადის).

ვ. მალაქიაშვილი.





მისტიკური.

(გურულის მწარე დღინი).
 ავხმაურ-ავლილინდები,
 გვერდზე მოვიგდებ გუდასა,
 სამგზავრო მოვემზადები:
 დავსძახებ „ტუდა-სულა“-სა;
 მე თვითონ პატივს არა ვსცემ
 მოხეტიალეს, ტუდასა,
 რომ შეგხვდება და-შეგაქებს:
 ემგავისის მელა-კუდასა!

არა ჩემი გზა სულ სხვაა:
 მე არ დავდივარ ფულისთვის,
 არ მიხდა ვიპირმოთნო
 საჩუქარისა გულისთვის,
 წამოგდებულს გროშს რას ვაქნევ,
 ავი თუ რამ ვქენ სულისთვის
 და სწორი სიტყვა გავლუნე:
 მტრად ვიქვეც დაჩაგრულისთვის?!

მაშ, ასე, ღვთისა ხსენებით,
 გზას დავადგები სოფლისა.
 სიკხეა პაპანაქება...
 ხვითქი გადამდის ოფლისა.

თავიც არა მაქვს სუყველა
 გლახთ გასაქირის მოთვლისა:
 სოფელს სხვა და სხვა მოხელე
 თავის გემოზე მოსთლისა!

მხოლოთ ეს ერთი მაკვირვებს,
 ვფიცავ სულს ჩემი მამისას,
 სტრანეიკულ გაუთლოლობას,
 და მზეს ხუცური ქამისას!
 მკაცრი ზომებით სოფელში
 ხალხს ფულს რად სთხოვენ დრამისას?
 რად ჰკადრულობენ გატანას
 ქობიდან ყოველ „ხლამისას“!

უწინ თუ დეკემბრამდისაც
 ხშირად რჩებოდენ დრამანი,
 ხშირად კიდევაც ყლინწავდენ
 სოფლისა სახლის მამანი
 და არ სქდებოდენ გულზედა
 მით სულიერი მამანი,
 არც კლებულობდენ მის გამო
 მათი სმანი და ქამანი.
 დღეს რაღა მოხდა, ნეჯავი,
 მთავრობის გადამრეველი?
 რათ დატრიალდა სოფელში
 მათრახი, ყოვლის მქლეველი?
 უწინ თუ იყო ხარჯთ-კრების
 წლისა ბოლომდის მონეველი,
 დღეს წლისა შუაზე რათ გახდა
 გლახთაგან დრამის მრთმეველი?!

ესე საკითხი მღვდელთაგან
 ამ გვარად აიხსნებისა:
 „ჩვენგან მოთხოვნა დრამისო
 აროდეს არ იქნებისა!
 მრეველი ჩვენ მრეველად გვინდაო
 და არა—კრებათ მტრებისა!
 დრამის მოთხოვნა არისო
 საქმე მთავრობის ნებისა“...

მთავრობა, ანუ პრისთავი
 ამ საკითხს ასე ახსნისა:
 „გლახებო, ფარა მოიტათ,
 მღვდელთაგან თავის დახსნისა!
 ჩვენ უნდა იგი მოვბოქოთ,
 თქვენ გზა არა გაქვსთ სხვა ხსნისა.
 ის თქვენი მღვდლები არიან
 „არც კაცისა და არც — ღვთისა“.

„ჩვენ არ მოვიტხოვთ დრამასო“,
 ეტყვიან გლახთა ყრილობებს,
 ზოგი გლახთ გაქირვებიზა
 გულსაც კი მოიჭრილობებს,
 თავის კატუნით დააფრქვეს

სიტყვებსა, საპირტკბილობებს,
 და იმავე დროს დრამაზე
 გზავნის „ჩუმ-მიწერილობებს“..
 ასე ორპირი ტყუილით
 ხუცები ფონსა ვადიან
 და სტრაენიკები სოფელში
 დრამა ფულისთვის დადიან,
 მრევლს კი ჯერ ვერა რა უთქვამს,
 რისი თქმაც და ქნაც სწადიან,
 და ასე არვინ არ იცის,
 რას იქმან? რასა სწადიან?..
 ცხადია, დრამის მოკრეფა
 მიტომ სწარმოებს სწრაფადა,
 რომ გლეხთა გულში ნაღველმა

ვერ ასწროს ქცევა ქაფადა,
 მღვდელს და მრევლს შუა კავშირი
 არ გაწყდეს უცბათ, ხათადა,
 მშვიდი და მყუდრო ცხოვრება
 არ შეიცვალოს ხათადა!..
 მაგრამ... ეჰ, მაგრამ... რა, მაგრამ?..
 ისევ ძირს დაესდებ გულასა,
 ხის ქვეშ მიეწვები, დროებით
 შეეწვიტავ „ტულა-სუდასა“.
 მე თვითონ პატივს არა ვსცემ
 მოხეტიალეს, ცუდასა,
 პირში მაქებარს, შემპარავს,
 ფლიდა და მელაკუდასა!!!

ონისიმე.



ნაჩილუბი ეზგაიუსადი

დ. სამტრედია სიბინძურის კომისია და ადგი-
 ლობრივი ადმინისტრაცია ხელი ჩაკიდებული
 იღწვიან ქალაქის გასაწმენდათ, მარა ჩვენს დაბას
 მაინც არაფერი ეშველა. სიბინძურეს ისე მაგრათ
 ჩაუქედია ხელები ჩვენი დაბისათვის რომ მისი გა-
 წმენდა მთელ ჯოჯოხეთის ძალებსაც არ შეუძლია.
 სიბინძურის კომისია, იღწვის დაბის გასაწმენდის
 ბლათ, მას უნდა არხის გაყვანა, „მწვანე ბაზრის“
 გაკეთება და სხვა და სხვა, მაგრამ ჯერ არაფერი
 სჩანს. დაბა ისევ ყარს, არსად არხი, არსად „მწ-
 ვანე ბაზარი“ მიუხედავად ამისა „სიბინძურის კო-
 მისია“ დაბეჯითებით თხოულობს, დაბა ვაგამშვე-
 ნიერეთ და ეხლა „პოსადათ“ გადაგვიკეთეთო. ჩე-
 მის აზრით სანამ სამტრედია „პოსადათ“ გახდებო-
 დეს, საქირთა „სიბინძურის კომისიის“ წევრთა ზუ-
 რგის შეხურება.

ყვირილა. გასაკვირი არ არის, რომ ეხლან-
 დელ დროში ადამიანი მოსტყუვდეს. ვინ მოიფიქ-

რება, რომ მკვირილელი ვაქრები ალიხანოვის შე-
 მდეგ კიდევე წელს გაიმაგრებდენ, მაგრამ აქაც მო-
 ვსტყუვდით: უწინ თუ ფიცრულში ყვლეფდენ
 ხალხს, დღეს ქვითკირის დარბაზში განაგრძობენ
 გულ-უბრყვილო ხალხის გლეხის ვაცურებას. გარ-
 წმუნებენ აღარაფერი შეგვრჩაო: როგორ ვაკცეთ
 პასუხი ან მტერს ან მოყვარეს, როგორ ვცეთ პა-
 ტივიო, ჯიბეში გროშიც აღარ მოგვეძნებო. მეც
 ვუჯრებდი ენაწყლიანებს, და თურმე ვსტყუვდე-
 ბოდი. გროში კი არა და კაი რვაასი თუმანი
 უჯდება ყვირილელებს „წესიერების დამცველთა“
 შენახვა. სხვა კერძო გადაქანქარებას იქითკენ,
 თქვენ რომ იცით, ხომ თურმე საზღვარი არა
 აქვს.
 მაგრამ ნუ იტყვით და ვაქრებისაგან გარდა ქან-
 ქარისა თუმე პირადი მონაწილეობაც ყოფილა სა-
 კირო „წესიერების აღდგენაში“ მაზრის უფროსმა
 ლიპიანთა განსაცვიფრებლათ, დაავალა თითო ვა-
 ქარს მთელი ღამე უყარაულოს ბაზარს და წესიე-
 რება დაიცვას.

თურმე მაზრის უფროსს ეს პროექტი იმ მო-
 საზრებით შეუდგენია, რომ სტრაენიკებს მარტოთ

არ მოსწყინდეთ ღამე ცარიელ ქუჩებში ხეტიალი, და რა იცის აქაურ ვაჟართა პირწყლიანობა, ვა დაუწყვეტია სტრახნიკებს თითო ვაჟარი დაუნიშნოს. ვიღაც მოხელეს გაუფრთხილებია მორიგეობის წინ ვაჟარი გაჩხრეკილ იქნას, ან კარტი ან ლოტოს ყუთი თან არ გაიყოლოს საყარაულოზე და სტრახნიკები არ ყვლიფოს ღამის მყუდროებაში. ერთი სიტყვით დღეის შემდეგ ჩვენ მყუდროებას ველარაფერი ვეღარ დაარღვევს.

ბასილიკა.

კობოზულის მხარე. პატივცემულო ეშმაკო! ჩვენ მხარე, კობოზულის და პერევისის საზოგადოება, თითქმის დავიწყებული გავსა. სამათრახონი, ვფიცავ თქვენ მადლსა, აქეთ გაცილებით მეტია ვიდრე სხვაგან. უწინარეს ყოვლისა გამოვითხოვ მათრახს სოფ. ქილოვანის მღვდლის გიორგი ტყემალაძისთვის. როცა მამას სახრავათ ქილოვანი არ ეყო სხვა სოფლებსაც გადასწვდა როგორც მოგვხსენებათ ეს მხარე ექიმს მოკლებულია და ქართული ანდაზის მიხედვით „უძაღლო სოფელში კატას აყეფებენო“ აქაც უექიმობის გამო გ. ტყემალაძეს აექიმებენ.

წასული თვის ბოლო რიცხვებში ქიათურაში მივემგზავრებოდი. გზაზე ჩვენებური (ს. კობოზულელი) გლეხი შემხვდა, რომელსაც ჩაბალახის ყურში გამოხვეული ბოთლი ზურგზე გადაედლო და შინისკენ მიემშურებოდა. მოჰყვა საბრალო თავის გაქვირებას და ზედ უცნაურა ექიმის მამა ტყემალაძის ქებაც დართო. მე დავინტერესდი, გამოვართვი წამალი და შინჯვა დაუწყე. თფილი წყლით სავსე ბოთლში ერთი პარაშოკი ქინა თუ იქნებოდა გახსნილი და ამ უკაცრავათ პასუხია „წამალში“ თერამეტი შაური გადაეხდევინებინა. სიმართლე გითხრათ, ყოვლად მოწყალეო, მე თუმცა ექიმში არა ვარ და ავთომყოფობისას ვერას გავიგებ, მარა წამლის გაკეთება—ცნობაში თუ ბევრი არა, ცოტა მაინც გამეგება. ეს კი ცხადია, რომ მ. გიორგისგან მიცემული წყალში გაქნილი ქანა ქლექის ხველებას ვერ უშველის. ამას გარდა სხვა რამეებსაც ხელს არ აკლებს მამა გიორგი. თურმე მთელ მის პრიხოდში ერთად ერთი, როგორც იქაურმა გლეხმა გადმომცა, „ქაღალდის მცოდნე“ ისა ყოფილა. საბრალო მოხუც მამას სალდათი შვილისაგან მოსულ „ქაღალდს“ ისე არ წაუეკითხავს თუ ორი ან ერთი დღის სამუშევრად მოხმარებას არ დაჰპირდა. თხოვნის ან სხვა ამ გვარი რამეს დაწერაში ხომ ყველას... ვაუწყებთ ყველა ამას, გთხოვთ არ მოაკლოთ თქვენი მოწყალება მამა გიორგი ტყემალაძეს და ერთი კული მათრახისა უწილადოთ ნაკურთხს ზურგზე.

კობოზულელი „ქაჯი.“

ს. ჭავჭავაძე. ადგილობრივ მცხოვრებლებს განზრახვა ქონდათ მეორე მწერალი დაექირავებიათ ექ-

ვთიმე კობალეიშვილისთვის, მაგრამ მან საზოგადოება შეიცოდა და უარი სთქვა. სამაგიეროთ ხალხმა მას ჯამაგირს გარდა 50 ქანქარი დაუნიშნა წლიური პენსია.

ს. კულაში. ნოე მიქელაძე, აპოლონ და ბიქტორ, ძალიან ცუდ გუნებაზე არიან, რომ შეცთიმაში შევიდნენ და თავიანთ „ნამოქმედარისთვის“ ჯილდოს მაგიერ საყვედური მიიღეს.

პატარა ბზიკი.

ბაქო. ვერც სიცხემ, ვერც ადმინისტრაციის სუსხმა და ვერც ჯოჯოხეთის ძალამ ვერავითარი გავლენა ვერ მოახდინა აქაურ ბუფეტის მოსამსახურეებზე. ჯერ იყო და საღვურზე კაცების მოსართავ ოთახში ქონდათ გახურებული კატის თამაში, მარა იგემეს თუ არა მათრახის კული, საღვურს თავი ანებეს და კერძო ბინაზე დაიწყეს თამაში. ეგონათ იქ ვერ მიუწვდენდი შენ კურახეულ მათრახს, ჩემო ეშმაკო, მაგრამ მოსტყუდენ თუ დრო გექნება და ჩამოხვალთ მე პირდაპირ მიგიყვანა მათ ოთახთან და მერე შენ იცი და შენმა მათრახმა.

ფეია.

დ. აბაშა. მართალია სამხედრო წესები ნიხსნა, მაგრამ სამაგიეროთ ზოგიერთ პირების წყალობით შესდგა შავი რაზმი, რომლის მიზანია კრამოლნიკების დაქერა. რაზმელს ეძლევა, საპატოს 7 მ. 50 კ. თვეში, ხოლო დანარჩენებს 5 მ. ასეთი რაზმი შესდგა სოფ. ქოლოუბანში, რაზმი უკვე შეიარაღებულია. ასეთივე რაზმები სდგება სხვა საზოგადოებებში.

აკენტი.

ვუძღვნი ქვალონელებს.

ესე ამბავი ნამდვილი ჩემი თვალითა ნანახი ყურადღებისა ღირსია, და არა საგმობ-საძრახი. ერთ დროს ერთ ღარიბ სოფელში ცხოვრობდა ერთი ყმაწვილი, სახელწოდებით ალექსი— კუქუხიძეთა ცნობილი, მამა-პაპურად თოფ-ხმალში, ჩამხდარი, გამოწყობილი, უზროთ მოხეტიალე და ამგვართვე ძმობალი. „მმა-ბიქობაში ნაქები სატრფოსგან ლახვარ-სობილი, მისი სინაზე ეშხიაა ჩამომქენარ, ჩამოდნობილი. რომელმაც ორგულ სატრფოსა

უმტრო. . სიავემ დასძალა
 და საფანტითა ფილითა
 ჩარცხენა ფეხში ახალა.
 დაჰკოდა ნორჩი გოგონა
 დაუზიანა ფეხია,
 ისედაც ღარბი ოჯახსა
 თავს დაატეხა მეხია.
 შემდეგ, რა რიგათ ვინ იცის
 მხოლოდ დღეს კი ეს ცხადია
 ჰე იქ ქელონის სადგურზე
 საქმეთა გამგეთ ჰხადია
 სიკეთის ქნაზე არ ფიქრობს
 გულში არა აქვს დარდია,
 ღუმშიშხანულსა საქმეში
 ღმერთს გეფიცებათ, ნაღია.

ყველა ამას, ძმაო ეშაკო, ბოროტი ენები ამტკიცებენ და განა მე უფლება მქოდა არ წარმომედგინა თქვენ სამსჯავროს წინაშე?!


ბოროტი ენები იმასაც ამტკიცებენ, რომ კუქუხიძე სულ დასტარის ფოთის რკინის გზის მოუწყობლობას. აი მისი მოთქმა: „თვალნი ჩემნი ცრემლივით იღვრებიან, გულსა ჩემსა კაეშანი ევლინება, როცა ვხედავ, რა რიგათ ცარცვავენ ფოთის ლიანდაგს კანდუქტორები მგზავრებს. მათ უბილეთოთ ატარებენ და ხახინას აურაცხელ ზარალს აყენებენ. ამიტომ გთხოვ, თქვენო აღმატებულებაე მომანიჭოთ მე კონტროლიორობა და ბოროტება ესე აღმოიფხვრება!! უფალმა ისმინა ვედრიბა ესე და მყისვე უბოძა მას კონტროლიორობა. მას შემდეგ კუქუხიძე ციბრუტივით დატრიალებს მაძებარევით დასდევს მატარებლებს და როცა „ბრუციანებს“ ვერ პოულობს, მგზავრებს უტეხს ხათაბალას და ყოველ სადგურზე დამატებით ფასებს ახდევინებს. თუ ვინმეს პიოველი, ან მეორე კლასიდან მესამეში ფეხი გადაუცდა, შენი მტერია—კუქუხიძე на осно-ванні Квалонскаго устава—აჯარიმებს და აჯარიმებს. თავგასულობას მისსა არ აქვს საზღვარი, მაგრამ ნათქვამია „ყოველთვის არ მოიტანს კოკა წყალსო“ და კუქუხიძეს ამ დღეებში საჯაყი საქმე მოუვიდა. ერთ სადგურზე ძალიან გაიღეშა და საქონლის მატარებელზე წაახსნა 8 სული. შემდეგ სადგურზე მას განუცხადენ ეს უკანონობა და როცა იყვირა: какъ смѣете, я Контролеръ»-ო, მას მოსამსახურებმა კონტროლიურათ მისდგენ და დაზილეს და ოქმიც შეუყენეს. მისცემენ ამ ოქმს შესაფერ მსგეღლობას თუ არა, ეგ არ ვიცით, მხოლოდ საქმე ქანდრაკულათაა.

ტლინკაძე.

ბ უ ზ ე ბ ი

რას ფურფუსებენ, ნეტა, ბუზები?
 რაზე სჩივიან? რაზე ბზუიან?
 ვისთვის რა უნდათ? რას აკეთებენ?
 მხოლოთ სტყუიან!.. მწარეთ სტყუიან!..
 აი, ობობა
 ბადესა ქსელავს.
 მზათაა ბადე...
 ჰაერში ელავს.
 ზე თვალსაჩინო გზა-შარაზედა
 წუწკმა ობობამ ბადე დაავო!
 და ამ გზაზედა
 ბუზი, ბზუილა,
 მოლილინებდა,
 ქოსა ტყუილა,
 როგორც ქოროლი, მაგრამ საბრალო
 ეცა ბადეს და თავი წაავო...
 მაშ იგი ბუზი რაღას ბზუოდა?
 აკი ს.ბრალო მხოლოთ სტყუოდა!..
 ტბის ზედაპარი
 მზეზე კრიალებს.
 იქვე ჰაერში
 ბუზი ტრიალებს,
 თითქოს წყლის კრიალს დასტრფის, დაჰხარის,
 ეთამაშება ნარნარ ტალღებსა,
 მაგრამ წყლისაგან
 ზე ონავარმა
 ისკუბა უცბათ,
 როგორც მწვევარმა,
 და ბუზიც გაჰყვა ულაპარაკოთ
 ტბის ძირისაკენ თვისსა წამლებსა...
 სჩანს, ეს მეორეც მხოლოთ სტყუოდა,
 როცა წამით წინ ტბას დაჰბზუოდა!..
 არ სტყუის მხოლოთ წუწკი ობობა,
 გზა შარაზედა ბადის მქსელავი,
 და ონავარი, ავი მეკობრე,
 წყლისა ტალღების გადამთელავი...
 მარტო ბუზები,
 როცა ბზუიან,
 თავის წინაშე
 მხოლოთ სტყუიან!..

5. ზომლეთელი.





ქართული წარმოდგენა სახალხო თეატრში.

რკ. გზის მთავარი სახელოსნო.

როცა „ეშმაკის მათრახი“
მოკვდა თუ მიიძინაო,
ჩემმა ძვირფასმა მუზამაც
თავს ჩადრი მიიფინაო.
გაჭკრა ღამისა წყველიაღში,
ელოდა გათენებასო,
მაგრამ „ნაკურთხი მათრახი“
ველარ ეღირსა ნებასო.
მას იგლოვს ჩემი მუზაი,
მეც იმისთვისა ესტირია
მასალა ერთობ ბევრი მაქვს,
მაგრამ წყლით სავეს პირია
ამ ჩვენს კურთხეულ დეპოში
მათრახი ბევრსა სჭირია
და ხსნა ახლაცა ვერ ვპოვეთ,
დიდ აარს გასაჭირია.

1

აღარ მინდა, გამეცალე
ნეტა რას ჩამომეკიდე?
ღრო ვიხელთე და მეც მძინავს
რათ გაეხდე სხვის გზა და ხიდე
იმ დროს, როცა სხვა ილხენდა.
არც მე ვიყავ მათ უკანა,
ჭირსა და ლხინს გავიყოფდი
იმ დღეებში იმათთანა.
არა, გუშინ სულ სხვა იყო,
ბუზს არ ვსვამდი წვერთათანა,
მხლა ღმერთი თუ გამიწყრა

რა ვქნა, დროა ამისთანა.
არშიყოზის ხანა დადგა
შიში სუფევს ყოველგანა,
ვის რა უნდა, ჩემი საქმე
იჩოჩავდეს სულ უკანა
ლხინს არ შევშლი გინდ გარისხდეს
ის ეშმაკი და სატანა.

2

სანამ გინდა რომ იძინო
აღარ გეყო დასვენება?
ნუთუ ფიქრობ ქვეყანაზე
ღრო თავისით მობრუნდება?
რათ არა ფიქრობ ძმობილო,
მკრო ვერ მოგცემს შეგებასა
ნეტავი ვგრე უწყალოდ
არ შელეოდი ცნებასა
ცული აზრი არ მასმინო,
მარ ისედაც დაჩაგრული,
აღარ მითხრა ამის შემდეგ
ლოგინში ვარ თავ ჩარგული.
მრჯელ ორი რომ ოთხია
მინ არ იცის ჩემო ძმო,
ისე როგორ გავიყინვი
(ენა ველარ ვამოძრავო).

3

არ მეწყინება მე შენგან
რაც უნდა შარჯო ფიცია:
„ჩიტი არ ვარ რო ვიფრინო
ირგვლივ ქვეყანა ბიძია“

ლომით რო ვაყო შექმნილი
 არ შედრკებოდი ძამია,
 სხლა რა მეთქმის მშიშარას
 რით გავიმარტლო თავია,
 არ შემისმინა „ახლებმა“
 მისაც შევსახოვე შევლო,
 იმისთვის დავდუმებულვარ
 აღარ მმორჩილობს ენაო
 შეეშინდი უნდა გაგიტყდე
 მისაც რა უნდა ის სთქვასა,
 იმედი სრულათ დავკარგე
 ლოგინშიც ვერ ვიქ ბუქნასა
 ისაა დღე ლამ რომ მკლავსა.


4

მითომ ბევრი გააკეთე
 ლოგინიდან რომ არ დგები?
 აღარ გინდა რომ დაჰკრიფო
 დილა ადრთან ვარდები?
 იცი ეკალი გიჩხვლევტავს
 მიტომ შეგიკრთა გულიო,
 მეგეთი მელიაობით
 რათ წაიწყმინდე სულიო?
 იცოდე ძველს გზას ნუ კარგავ
 სანამ გიჩქეფავს გულია,
 აღარ დაეცე სულითა
 ნუ ფიქრობ საქმე კრულია,
 ამას შენც კარგა მიხვდები
 ძებნა სხვაისა ტყულია,
 მე არის შენი ნაბაღი
 (გულა და მასთან სტვირია)

5

ათას უმნათ არ ვაგყიდი
 რომ სულით არ დაცემოდი,
 ჩუმათ მარებიც იმდერთან
 ისმინე და ქვეაზედ მოდი,
 ლოგინთ წოლა მოდაში გაქვს
 არრას ფიქრობ მომავალზე
 წითელ ღვინოს შეეჩქევი
 მგრე ცხოვრობ ქვეყანაზე.
 რათ არ იცი ქიანქველაც
 მქროს დროში რაინდობდა,
 ძილის დროშა რათ ამართე
 მეგ ლექსი თვარ გინდოდა.

აღ. ზაგლობა.



შ ა რ ა დ ა.

ორი გვარისგან შესდგება
 ეს სადღესო შარადა,
 თუ გამოიცნობთ, იცოდეთ
 გექნება გასახარადა.

პირველი მომღერალია
 ქალი ნაქები მარადა
 იტალიაში აღზრდილი
 სამგზის წამყოლი ქმარადა;
 იმისი ქება-დიდება
 ჯერაც გაისმის ბარადა,
 თუმც არ ნახულა აროდეს
 თფილისის დასამხარადა.

მეორე მეცნიერია
 შობილი სუფრის პირადა,
 დღეს პეტერბურგში მჯდომარე
 შინ დამავალი ძვირადა.
 თუ ვერ იცანით კვლავ გეტყვი
 ნანგრევში ძვრება ხშირადა
 სომხურს და ქართულ სიძველეს
 არ სტოვებს ქვეყნის პირადა,

ორივეს ერთად რო შეჰკრავ
 გამო ქვა კაცი ბედკრული,
 ძალმომრეობის კლანქებში
 მომწყვდევული და შეკრული.
 მისთვის მზის სხივი არა ჩანს,
 ღამით ვერ ხედავს მთვარესა,
 შესტკერის რკინის ფანჯარას
 შავ კედლებს გულ მწუხარესა
 ვერ შეეპარვის ნიაფი
 იმის ცხრა კლიტულ კარებსა
 ფრინველთა ჟივილი-ზივილი
 მის გულს ვერ გაახარებსა.
 ვერ ეტრფის ცისა ვარსკვლავებს,
 ვერც დაბლა მინდორ-მდელოსა,
 (როცა შევფრებთ ჩვენ მაშინ
 ვსვამთ იმათ სადღეგრძელოსა)


კოლო.

უბირათიანის სტუდენტი.

„კაფე ლონდონში“ ორი სტუდენტი ლაღიძის
 წყლისათვის შევიდა.

— უმაწვილო! მიმართა ერთმა მათგანმა მსა-
 ხურს, მოგვიტანე ერთი ბოთლი წყალი, მაგრამ
 ისეთი ცივი, ისეთი ცივი, რომ კბილები ჩავვა-
 ტვროს.

— შე კაი კაცო, თუ საქმე კბილების ჩამტ-
 რევაზება, რიღასთვის ვხარჯავთ ორ შაურს წყლის
 ფასს და შაურს „ნაჩაის“ როცა რომ „ზაკავკაზის“
 რედაქტორი ბ.ნი ამირეჯიბი ეგერ ზის და მუქთად
 აგვისრულებს ამ სურვილს.



სურათი გურიის ცხოვრებიდან.

მათრასის ფოსტა.

სოხუმი. დელაინს. თქვენი ლექსები „ყოველივე ინტერესებს მოკლებული არ არიან.“ მაგრამ მათი დაბეჭდვა მაინც მოუხერხებელია.

„არჩევნებში გამოვიდენ უოაური სათაინი და აქვთ კითხვა გასარკვევი საჩხუბრი და სადაონი.“

შეიძლება ესეც მართალი იყოს:

ცხინვალი. წინას, თქვენი გამოგზავნილი მიბაძვა:

„გუნიავ, ნუ სწერ ღრამასა, ნაპარია და ბრალია, თორემ შეგიტყობს პატრონი ჩემი აღარა ბრალია.“

მართლაც მოხერხებულათ არის შედგენილი, მაგრამ ვერ ვბეჭდავთ იმ მოსაზრებით, რომ ავ კაცს არ უნდა გაასენო მისი ნამოქმედარი, რომ იქნება გადაეჩვიოს.

ლანჩხუთი. მთავარ დიაკონს.

„ყველა ღვდელსა უნდა ჭამა, ყველა ხუცესს უნდა ღრამა.“

იწერებით თქვენ და წარმოიდგინეთ ეს მართალია. მაგრამ,

„სხვაფრივ სჯის და სხვაფრივ შვიბა ზოგჯერ სულიერი მამა.“

ხაზუჩი. მოკლილს. საწყენათ არ გეუბნებით, რასაკვირველია, მაგრამ მართლაც მოკლილი კაცი ყოფილხართ. აბა ერთი განსაკუთრებული შარადაა, ეს თქვენ მიერ გამოგზავნილი შარადა:

„ღამე ძილია.“

რა თქმა უნდა ღამე ძილია საჭირო. მაგრამ ასეთი შარადები კი სრულიადაც არ არის საჭირო და მოსახმარი.

ახალქალაქი. წიგნობარს. ახალქალაქს ბიბლიოთეკები რომ არსებობს არისტოკრატიულ-დემოკრატიული ეს ვიცით, მაგრამ შიგ თუ ვინმე დადიოდა და თანაც გაზეთის საკითხავათ, ამას აღარ მოველოდით. გმადლობთ ასეთი სასიამოვნო ცნობის მოწოდებისათვის.

ოჯურგეთი. მგზავრს. დაგარწმუნებთ არც ერთი მდინარე ოზურგეთიდან, ანუ უკეთ ვსთქვათ შავი ზღვიდან ბახმაროსკენ არ მიდის და ამასთანავე რომც მიდიოდეს არც ერთი გონიერი კაცი მდინარეს ბარგს არ გაატანს. შეიძლება მხოლოდ ისა, რომ თქვენი მდინარე მდინარე კი არა ვინმე მდინარაძე იყოს. კარგათ გამოიძიეთ.

ჰვირილა. მტევანს ხალხურ ლექსებს დაგებუდავთ. მაგრამ თქვენ ამგვარი ლექსების შედგენით ნუ შეიწუხებთ თავს. ხალხურ ლექსებს, როგორც გავვიგონია, ხალხი იგონებს და რასაც თქვენ მოიგონებთ ის თქვენი საკუთარი იქნება.

იუძორისტყულ-პოპულიარული, ყოველ-კვირული, სურბათებიანი ჟურნალი

„მათრასი და საღამურის“

წელიწადში ღირს 5 მან., ნახევარი წლით— 2 მან. 50 კ., ერთი თვით— 50 კაპ.

ვინც წლის ბოლომდის გამოიწერს და ღირებულ ფასს (2—50) სრულად გამოუგზავნის რედაქციას, გავგზავნება აგრეთვე უკვე გამოცემული „საღამურის“ აღმანახები 7 ნომერი.

მიიღება დასაბეჭდი განცხადებები: პირველ გვერდზე სტრიქონი 20 კ., უკანასკნელზე— 10 კ.

დროებითი რედაქციის ადრესი: Тифлисъ, Типография Т-ва «Шрома» Василию Болквадзе.